



Broj: 01-02-312-9/24

Mostar, 18.11.2024. godine

Na osnovu člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), Ministarstvo građenja i prostornog uređenja Hercegoviačko-neretvanskog kantona, donosi

O D L U K U

o izboru najpovoljnijeg ponuđača za postupak javne nabavke

„Izrada studije o energetskej efikasnosti javnih objekata na području Hercegoviačko-neretvanskog kantona sa operativnim planom“

I

Ovom Odlukom prihvata se prijedlog Komisije za provođenje postupka javne nabavke "Izrada studije o energetskej efikasnosti javnih objekata na području Hercegoviačko-neretvanskog kantona sa operativnim planom" i bira se, nakon održane e-aukcije, prvorangirani ponuđač **Plus - Minus d.o.o. Sarajevo** sa konačnom cijenom ponude 16952,98 KM bez PDV-a.

II

Odabrani ponuđač iz tačke I ove Odluke dužan je u roku od pet (5) dana od dana zaprimanja ove Odluke, u zatvorenoj kovrti preporučenom poštom ili na Protokol Ugovornog organa dostaviti originale ili ovjerene kopije niže navedene dokumentacije, koja ne može biti starija od tri (3) mjeseca, računajući od dana dostavljanja Ponude.

- a) Izvod iz kaznene evidencije od strane Suda BiH i suda nadležnog prema svom sjedištu kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- b) Izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

- c) Uvjerenje nadležnih institucija kojim se potvrđuje da je Ponuđač izmirio dospjele obaveze, a koje se odnose na doprinose za penziona i invalidsko osiguranje i zdravstveno osiguranje;
- d) Uvjerenje nadležnih institucija da je Ponuđač izmirio dospjele obaveze u vezi sa plaćanjem direktnih i indirektnih poreza.
- e) Izvod iz Poreske uprave ili Uvjerenje F BiH/PIO/MIO o zaposlenom tehničkom osoblju kod Ponuđača, original ili ovjereni kopija.

U slučaju da izabrani ponuđač propusti dostaviti tražene dokaze iz prethodnog stava u navedenom roku, ili dostavi neprihvatljive dokaze, Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača.

III

Postupak nabavke proveden je putem Otvorenog postupka. JRJN: 71241000-9 – studija izvodljivosti, savjetodavna usluga, analiza. Obavještenje o nabavci objavljeno je na portalu javnih nabavki pod brojem: 10971-1-2-27-3-3/24 dana 30.09.2024. godine i u Službenom glasniku BiH, broj: 67/24.

IV

Ugovorni organ dostavlja na potpis izabranom ponuđaču prijedlog ugovora i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

V

Ova Odluka objavljuje se na web stranici Vlade HNK istovremeno sa upućivanjem iste ponuđačima koji su učestvovali u postupku javne nabavke.

VI

Ponuda ponuđača Zagrebinspekt d.o.o. Mostar broj: 01-13-204/24 odbacuje se kao nepotpuna, jer ne ispunjava uslove iz Tenderske dokumentacije za otvoreni postupak "Izrada studije o energetske efikasnosti javnih objekata na području Hercegovačko-neretvanskog kantona sa operativnim planom".

VII

Obavještenje o dodjeli ugovora i Izvještaj o provedenom postupku nabavke biti će dostavljen Agenciji za javne nabavke Bosne i Hercegovine u skladu sa članom 74. i 75. Zakona o javnim nabavkama („Službeni glasnik BiH“, br. 39/14, 59/22 i 50/24).

VIII

Ova odluka stupa na snagu danom donošenja.

O b r a z l o ž e n j e

Postupak nabavke "Izrada studije o energetske efikasnosti javnih objekata na području Hercegovačko-neretvanskog kantona sa operativnim planom" provodio se putem Otvorenog

postupka. Ukupna procijenjena vrijednost nabavke iznosila je 79.487,00 KM bez PDV-a. JRJN: 71241000-9 – studija izvodljivosti, savjetodavna usluga, analiza. Obavještenje o nabavci zajedno sa Tenderskom dokumentacijom objavljeno je u informacionom sistemu „E-nabavke“ pod brojem 10971-1-2-27-3-3/24 od 30.09.2024. godine u skladu sa Uputstvom o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj. 80/22).

U predviđenom roku za prijem ponuda 28.10.2024. godine do 11h na protokol Ugovornog organa zaprimljene su 4 (četiri) ponude, sljedećih ponuđača: Grupa ponuđača – Konzorcij Ceteor d.o.o. Sarajevo i Enova d.o.o. Sarajevo - predstavnik grupe ponuđača Ceteor d.o.o. Sarajevo, Plus-Minus društvo za inženjering i konsalting d.o.o. Sarajevo, n-Logic d.o.o. Sarajevo i Zagrebinspekt d.o.o. Mostar.

U skladu sa Tenderskom dokumentacijom i Obavještenjem o nabavci dana 28.10.2024 godine u 11.15h održano je javno otvaranje ponuda. Javnom otvaranju ponuda, osim članova Komisije, nije prisustvovao niko od ponuđača, niti drugih lica. Javno otvaranje ponuda provedeno je u skladu sa Zakonom o javnim nabavkama („Službeni glasnik BiH“, br. 39/14, 59/22 i 50/24) i Uputstvom o načinu vođenja zapisnika o otvaranju ponuda („Službeni glasnik BiH“, broj 90/14). Po završetku javnog otvaranja, Zapisnik sa otvaranja ponuda je potpisan i u predviđenom roku poslat ponuđačima.

Komisija za javnu nabavku imenovana Odlukom broj: 01-02-312-3/24 od 11.09.2024. godine dostavila je Zapisnik o početnom pregledu i ocjeni ponuda broj: 01-02-312-7/24 od 07.11.2024 godine, Izvještaj o toku i završetku e-aukcije, broj postupka: 10971-1-2-27/24, vrijeme početka e-aukcije 12.11.2024. godine u 13.00h, vrijeme završetka e-aukcije 12.11.2024. godine u 14.39h i Zapisnik o pregledu i ocjeni ponuda nakon održane e-aukcije, sa preporukom donošenja Odluke o izboru najpovoljnijeg ponuđača broj: 01-02-312-8/24 od 13.11.2024. godine.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike u kojima je utvrđeno sljedeće:

- da je blagovremeno zaprimljeno četiri ponude
- da nema neblagovremeno zaprimljenih ponuda

Evaluacijom ponuda konstatovano je sljedeće: da je jedna ponuda neprihvatljiva, a da su tri ponude prihvatljive.

Naziv ponuđača čija je ponuda odbačena i razlozi za odbacivanje: Zagrebinspekt d.o.o. Mostar, a odbacuje se jer nije potpuna i ne ispunjava zahtjeve iz TD, te se odbacuje u skladu sa članom 68. stav (4) tačka i) Zakona.

Prema obrazloženju Komisije za javnu nabavku u Zapisniku o pregledu i ocjeni ponuda, u Ponudi Zagrebinspekt d.o.o. Mostar nisu dostavljeni dokazi navedeni u tački 9.3.2. TD, b) Uvjerjenje Federalnog ministarstva prostornog uređenja o uspješno završenom Programu osposobljavanja za provođenje energetskih pregleda sa jednostavnim i složenim tehničkim sistemima Modul 1, Modul 2 i Modul 3. Nakon pregleda i analize ponude Zagrebinspekt d.o.o. Mostar utvrđeno je da voditelj tima iz tačke 9.3.1. b) Tenderske dokumentacije nije dostavio uvjerenje za Modul 3.

Zbog jednakosti kod ocjene svih pristiglih ponuda Ministarstvo građenja i prostornog uređenja HNK je 31.10.2024. godine uputilo Zahtjev Federalnom ministarstvu prostornog uređenja za stručno mišljenje u vezi sa Uvjerenjem o uspješno završenom Programu

osposobljavanja/Programu usavršavanja za Modul 1, Modul 2 i Modul 3. Ministarstvo je putem e-maila dana 5.11.2024. godine zaprimilo pojašnjenje:

„Prema „Uredbi o uslovima za davanje i oduzimanje ovlaštenja za obavljanje energijskih audita i energijsko certificiranje zgrada“ („Službene novine Federacije BiH“, broj: 87/18), ovlaštenje pravnim licima za obavljanje Programa obuke za provođenje energijskog audita i energijskog certificiranja zgrada daje FMPU rješenjem.

Ovlašteno pravno lice, odnosno Nosilac Programa obuke, polaznicima izdaje Uvjerenje o učestvovanju u Programu osposobljavanja za Modul 1 i/ili Modul 2, kao i Uvjerenje o učestvovanju u Programu usavršavanja – Modul 3.

Nakon provjere znanja (ispita) licima koja su uspješno završila provjeru znanja, na prijedlog Stručnog odbora, ministar FMPU izdaje Uvjerenje o uspješnom završenom Programu osposobljavanja Modul 1 za stručno kvalificirano lice za provođenje detaljnih energijskih audita i energijsko certificiranje objekta sa jednostavnim tehničkim sistemima odnosno Uvjerenje o uspješno završenom Programu osposobljavanja Modul 2 za stručno kvalificirano lice za provođenje detaljnih energijskih audita i energijsko certificiranje objekata sa složenim tehničkim sistemima.

Uvjerenje o učestvovanju u obaveznom Programu usavršavanja – Modul 3 za stručna kvalificirana lica izdaje ovlašteno pravno lice za obavljanje Programa obuke odnosno Nosilac Programa obuke, i isto je važeće ukoliko je u skladu sa članom 27. stav 1 „Uredbe o uslovima za davanje i oduzimanje ovlaštenja za obavljanje energijskih audita i energijsko certificiranje zgrada“ koja propisuje obavezu usavršavanja stručnih kvalificiranih lica jednom u periodu od dvije godine“.

Shodno navedenom Komisija je pravilno odlučila kada je Ponudu Zagrebinvesta d.o.o. Mostar odbacila kao nepotpunu.

Članom 16. Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) propisano je da se postupak pregleda i ocjene ponuda odvija na onovu uslova i zahtjeva iz tenderske dokumentacije.

Dalje, članom 3. Zakona o javnim nabavkama propisano je da je ugovorni organ dužan da postupa transparentno, da se u postupku javne nabavke prema kandidatima/ponuđačima ponaša jednako i nediskriminirajuće, na način da osigura pravičnu i aktivnu konkurenciju s ciljem najefikasnijeg korištenja javnih sredstava u vezi s predmetom nabavke.

Komisija za javnu nabavku je utvrdila da su od četiri pristigle ponude, tri ponude prihvatljive, te se prije provođenja e-aukcije sačinjava rang lista prihvatljivih ponuda prema kriteriju najniža cijena kako slijedi:

Rang	Ponuđač	Cijena bez PDV-a
1.	n-Logic d.o.o. Sarajevo	79.000,00 KM
2.	Grupa ponuđača – Konzorcij Ceteor d.o.o. Sarajevo i Enova d.o.o. Sarajevo - predstavnik grupe ponuđača Ceteor d.o.o. Sarajevo	79.400,00 KM
3.	Plus-Minus društvo za inženjering i konsalting d.o.o. Sarajevo	79.400,00 KM

Nakon okončane e-aukcije, a u skladu sa Izvještajem o toku i završetku e-aukcije, Komisija je konstatovala da je došlo do promjene cijene u odnosu na početne, te je utvrdila konačnu rang listu ponuđača koji su učestvovali u e-aukciji po kriteriju najniže cijene iz TD, kako slijedi:

Rang	Ponuđač	Cijena bez PDV-a
1.	Plus-Minus društvo za inženjering i konsalting d.o.o. Sarajevo	16.952,98 KM
2.	n-Logic d.o.o. Sarajevo	18.833,00 KM
3.	Grupa ponuđača – Konzorcij Ceteor d.o.o. Sarajevo i Enova d.o.o. Sarajevo - predstavnik grupe ponuđača Ceteor d.o.o. Sarajevo	76.900,00 KM

Komisija za javnu nabavku je dala preporuku da se ugovor za javnu nabavku usluga "Izrada studije o energetske efikasnosti javnih objekata na području Hercegovačko-neretvanskog kantona sa operativnim planom", dodijeli ponuđaču Plus-Minus d.o.o. Sarajevo, a prema Ponudi dostavljenoj dana 28.10.2024. godine i konačne rang liste nakon završene e-aukcije, za ponuđenu cijenu u vrijednosti 16.952,98 KM bez PDV-a.

U skladu sa tačkom 9.1.3. i 9.3.2. Tenderske dokumentacije najpovoljniji ponuđač dužan je u roku od 5 (pet) dana računajući od dana prijema ove Odluke dostaviti dokaze (original ili ovjerene kopije) ne starije od tri mjeseca računajući od dana dostavljanja Ponude u svrhu dokazivanja činjenica potvrđenih u izjavi za član 45. Zakona (Aneks 4) i Izjavi o obrazovnim i profesionalnim kvalifikacijama lica koja su odgovorna za izvršenje usluga, koje su predmet javne nabavke (Aneks 12), a kako je odlučeno u tački II dispozitiva ove Odluke.

Ugovorni organ nije našao razloge nepravilnosti ili propuste u radu koji bi eventualno bili osnov za neprihvatanje preporuke Komisije za javne nabavke. U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu Zakonom, podzakonskim aktima i Tenderskom dokumentacijom, te je u skladu sa članom 70. Zakona odlučeno kao u izreci Odluke.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem Ugovornog organa u pisanoj formi direktno, elektronskim putem ili preporučenom poštanskom pošiljkom na adresu Ministarstvo građenja i prostornog uređenja HNK, Ul. Stjepana Radića br.3, 88000 Mostar. Žalba se predaje u najmanje tri primjerka.

Ponudač je za pokretanje žalbenog postupka dužan platiti naknadu u skladu sa članom 108. Zakona o javnim nabavkama. Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Dostavljeno:

- Plus-Minus d.o.o. Sarajevo
- n-Logic d.o.o. Sarajevo
- Zagrebinspekt d.o.o. Mostar
- Grupa ponuđača – Konzorcij Ceteor d.o.o. Sarajevo i Enova d.o.o. Sarajevo - predstavnik grupe ponuđača Ceteor d.o.o. Sarajevo,
- U spis
- Arhivi